

# Gvangjsih Minzcuz Bau

ganhhau: CN45-0036 B.2017 Nd.8 Ng.23 liggaeuq dingyoux nienz ndwencaet co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3288期

## Cungzcoj Baksak Song Aen Si Seiq Aen Yienhsi Doxgap Boq Saehmoq Vahcuengh 《Sih Dwz Naz Denh》 Ndaej Angqcoux 崇左百色两市四县(市)联办《西德那天》壮语新闻联播广受欢迎

Lanzmoeg doengzseiz cienjboq saehmoq Vahcuengh 《Sih Dwz Naz Denh》daj hai boq doxdaeuj, aenvih gij sing “doj” “huq” doj (neiyungz) de ndaej gyoengq bouxyawj minzcuz vunznoix angqcoux caeuq gyaemaij, ndaej vunzbiengz haenhndei.

Ciuq cam rox, lanzmoeg doengzseiz cienjboq saehmoq Vahcuengh 《Sih Dwz Naz Denh》youz Cungzcoj Si Denhdwngj Yen caeuq Baksak Si Cingsih Si nem Dwzbauj、Nazboh song aen yienh neix doxgap doiok haenx dwg aen lanzmoeg loih saehmoq Vahcuengh hamj si yienh daih'it Guengjsae. Aen lanzmoeg neix daj bi' gvaq ndwen 12 ngoenz 1 hainduj boqcuengq, moix aen singhgiz guh 3 geiz, singhgiz it、singhgiz sam、singhgiz haj boqcuengq baez daih'it, singhgiz ngeih、singhgiz seiq、singhgiz roek dauqboq. Aen cezmuiz neix

cwgoemq Denhdwngj caeuq Cingsih、Dwzbauj、Nazboh daengj seiq aen yienh (si) henzguk 62 aen yanghcin 175 fanh vunz minzcuz vunznoix. Moix aen singhgiz, gak yienh leih-yungh bingzdaiz Q gyoengq cienz hwnj sibinz saehmoq gvendaengz beksingq 6 diuz doxhwnj, caemhcaiq ei gij gyaciz saehmoq、iugouz vunz lai bonj yienh daengj cingzgvang guh bienbaiz, moix geiz boqcuengq seizgan 10 faen cung baedauq. Daengz seizneix, lanzmoeg 《Sih Dwz Naz Denh》gaenq boq ok 81 geiz, gungh miz yaek daengz 850 faen cung. Lanzmoeg 《Sih Dwz Naz Denh》depgaenh saedsaeh、depgaenh ndwenngoenz、depgaenh vunz lai.

Hai boq lanzmoeg doengzseiz cienjboq saehmoq Vahcuengh 《Sih Dwz Naz Denh》, it dwg gya' gvangq diuzroen doxgyau saenqsik, dwk-

byoengq “bangxcienq” yienh henzyawj saenqsik dox cienzboq, saedyienh saenqsik caezyungh. Ngeih dwg hawj minzcuz vwnzva dox yungzhab, doengzseiz cienjboq saehmoq Vahcuengh, vahgangj doengsug rox ngaih, bouxyawj ciepsouh ndaej ngaih, doiq vahgangj gak minzcuz doxgyau doeng miz ndeicawq, swncienz minzcuz vwnzva miz deihfueg daegsaek. Sam dwg gya' gvangq rengzyingyangj densi meizdij cienzboq, cungbyoengq gij gitgaz bingzdaiz cienzboq yienh caeuq yienh gig mbouj fungfouq gaxgonq, saedyienh rengzyingyangj densi meizdij cienzboq bienq ceiq hung, haibik ok diuzroen hwnghat gvangjbo densi Vahcuengh diegdeih henzguk ndeu. Seiq dwg doxgyau gingniemh, gaiq ndei doxbouj, coicaenh cauhoq hwnghat.

(Vangz Souciz/黄寿积)

## SIUSIK DINJ 简 讯

● Bineix doxdaeuj, Fuconh Yauzcuz Swciyen gyalai ligdoh hwnjguh aenmbanj vunz senjdiegyouq gugih, bued roengz goengrengz、doxgaiq、ngaenzcienz, ndawde ngaenzcienz hawj Mbanjhujdouz aen mbanj vunz senjdieg gugih, youq aen mbanj neix dajndongj roenloh、naj ranz laeng ranz hwnj saek caeuq henz mbanj ndaem faex ndaem va ndaem nywj daengj, gaenxmaenx haiguh hwnjguh hawj lajmbanj gyaendei bienq loeg.

(Cinz Yangiz)

● Gaenh bi neix daeuj, Yungzsuij Myauzcuz Swciyen Hungzsuij Yangh Cinminz Cunh yungh gij vunqsik “boux-daiqdaez baenz miz + ranzgungzhoj + hozcozse”, gveihmoz hwnghat ndaem caz, coicaenh bouxguhnaz laisou. Ciuq cam rox, seizneix daengx cunh 600 lai hoh gungh ndaem caz 1500 moux.

(Liu Swjyenh)

● Vanzgyangh Mauznanzcuz Swciyen gaemdawz seizheiq bineix gyaqcienz reh hwnjsang, sonyinx bouxguhnaz laebbaenz aen hozcozse ciennieb ciengx nonsei, guhndei hwnjguh ranz ciengx nonsei daengj giekdae sezsih, daengx yienh canjnieb ciengx nonsei yauqik daezsang yienhda. Ciuq gyoepsuengq, aen yienh neix ndaem gonengznuengx mienhcik gaenq daengz 19 fanh moux, miz 5.8 fanh ranz ciengx nonsei; byongh bi gonq, daengx yienh ndaej reh 34.95 fanh rap, boux ciengx nonsei souhaeuj daengz 8.1 ik maenz.

(Loz Sieng)

● Geij bi neix daeuj, Yinhcwngz Yen haenqrengz doigvangq dinfwngz ndaem gonengznuengx ciengx nonsei, dajveh doenggvaq gajndeidei gonengznuengx、raengcawz gonengznuengx gaeuqgeq、miz bingh, hawj daengx yienh gonengznuengx mienhcik onjdingh youq 25.52 fanh moux, binjcungj gonengznuengx gajndeidei haenx cwgoemq 51 aen mbanjgunghzhoj 12 aen yanghcin daengx yienh, hawj ranz ciengx nonsei ndaej laisou, gyavaiq yamqdin vut gungz.

(Lanz Cunghcwngz)



### Duh'anh Aen Sanghvei Mehmbwk Banh Ban Son'gyauq Fwen Banggungz 都安妇女商会举办扶贫山歌培训班

Ndwen 8 ngoenz 18, Duh'anh Yauzcuz Swciyen Aen Sanghvei Mehmbwk youq Ginhfuzgwz banh aen ban son'gyauq fwen banggungz “swncienz vwnzva feihyiz”, 50 boux bouxhag mehmbwk caeuqfaenh aen hozdung son'gyauq mbouj aeu cienz. Doenggvaq haiguh son'gyauq hagsib hozdung, mboujduenh swncienz vwnzva fwen, coicaenh aen doih feihgungh ginghci cingsaenz vwnzva hwnjguh bang doi saehnieb cinjing banggungz dangdieg. Ciuq cam rox, aen sanghvei mehmbwk aen yienh neix dwg bi 2013 laebbaenz, seizneix miz veiyen 130 boux, veiyen guh gij hong gai dengi、gwnndot、buhvaq daengj hangznieb, baenz gyoengq vunz vih vut gunz okrengz he. Ndaw doz dwg canghfwen cingq son gyoengq bouxhag eu fwen.

(Cinz Cunghvaz/覃宗华)

## Liujcwngz “Sam Minz” Hozdung Cauxguh “Lajmbanj Habyouq” 柳城“三民”活动打造“宜居乡村”

Liujcwngz Yen haiguh “canjnieb hawj beksingq baenz miz、fugsah hawj beksingq ndaej ndei、giekdae hawj beksingq fuengbienh” cienhangh hozdung, hawj lajmbanj engq habyouq, mbanjranz engq gyaendei, beksingq engq vuenyungz.

Giekdae hawj beksingq fuengbienh. “Gaij ranzdajcawj gaij diengzhaex le, mbanj dou ndaej lied haenx aen cunh guhyienh gaij ranzdajcawj gaij diengzhaex yienh gaep.” Yez Gozfu vunzmbanj Sahbuj Cin Daanh Cunh Mbanjyegzyah naeuz. Seizneix, aen yienh neix guhliux gaij ranzdajcawj 1735 ranz、gaij diengzhaex 1662 ranz, 6 aen yanghcin nyapnyaj cawqleix sezsih caeuq 8 aen cunh gaep baenz benq cawqleix cungsam

hwnjguh cawjdae, goengloh lajmbanj cingjeih 14.2 goengleix, 23 aen cunh gunghzhoj hwnjguh roen doeng mbanj 40 goengleix.

Canjnieb hawj beksingq baenz miz. Aen yienh neix mboujduenh doicaenh aen gihdi ndaem oij “song sang”, mousei、nouhaet daegsaek dajciengx, makyungz、raet daegsaek dajndaem daengj hanghmoeg. Majsanh Yangh Bwzhau Cunh gujli ranz dajciengx lai hwnjguh aen hozcozse dajciengx nouhaet, daengz seizneix, miz 81 ranz ranzungzhoj gungh ciengx lwg nouhaet 2092 doiq, gujsuenq ranzungzhoj binaengz souhaeuj ca mbouj geijlai fanh maenz. Byongh bi gonq, aen yienh neix guhliux gunghanq sinhhingz nungzyez

ginghyingz cawjdae 87 aen, hwnghat 57 aen cunh gaep cizdij ginghci hanghmoeg, cauxlaeb aen gihdi guhyienh yendaiva nungzyez swngheanj 63 aen, hwnjguh le 120 aen diemj-fugsah densw sanghvu lajmbanj.

Fugsah hawj beksingq ndaej ndei. Aen yienh neix gungh cauxlaeb gyananz lwnyey 60 aen, 121 aen hingzcwngcunh cungj doeksaed le veiswnghsiz hanghmoeg, guhbaenz 74 aen cunh gaep veiswnghsiz, miz 80 aen hingzcwngcunh (segi) cingj faplwd guvwn, 36 aen cunh gaep cunghab fugsah cungsam cugyamq guhndei, vunzmbanj mbouj yungh ok mbanj couh ndaej riengjvaiq banhleix gak hangh hongsaeh.

(Banz Len)